

Tatou faiga faavae tau soifua maloloina ma auaunaga i le tino ma le mafaufau e lē o malosi atoatoa Falemai ma auaunaga faapitoa

E tāua le tutusa o le maua o falemai ma auaunaga faapitoa e lelei mo le tausia o le soifua lelei o tagatanuu atoa o Niu Sila ma e tatau ona maua tausiga nei e tusa lava poo fea o alaala ai tagata.

O ā mea ua suia nei?

I le taimi nei e 20 District Health Boards (DHBs) o loo faatinoa galuega i totonu o falemai ma auaunaga faapitoa. O le uiga o lea itu, sa faatino e DHBs matafaioi o le faamautinoaina o ituaiga auaunaga e maua mo tagata i totonu o afioaga ma nofoaga e maua ai auaunaga.

I le lumanai, o le a avea ma matafaioi a le Health New Zealand le faatautaia o falemai ma le fuafuaina o auaunaga faapitoa o se vaega o sootaga lelei e faamautinoa ai o loo sa'o auala o maua ai auaunaga, ma tuuina atu tausiga sa'o i tagata i le taimi o moomia ai.

Aisea?

E ui i nisi o galuega fai faatasi i le va o DHBs, talu ai e eseese faalapotopotoga nei, e ono iai lava le avanoa e faatino ai e le isi vaega galuega o loo faatino foi e isi, ma leai ai ma se maopoopoga i totonu o falemai ma auaunaga faapitoa. O auaunaga nei e aogā i ai faiga tutusa ma le faatinoga o faiga aupito sili ona lelei; e lē faaopoopoa i ai se tāua mo DHB taitasi mo le faaaogāina o faiga eseese e atiae ai auaunaga. O le a aofia ai foi nisi o auaunaga faapitoa e faatoa faatasi ona moomia mo Niu Sila atoa.

O le lē maopoopo o galuega i totonu o DHB atoa ua aliae mai ai se "faiga faaituau" o loo fuafua ai le tele ma le lelei o tausiga i le nofoaga e te nofo ai.

E lē gata i lea, e lē o puleaina foi falemai o se vaega e fesootai, ma ua aliae ai le lē lelei ona faatino o galuega ma misi ai avanoa e faatautaia ai auaunaga ia talafeagai ma sa'o ma aogā. O le tele o faaiuga sa tatau ona faia i le atunuu aoao, e pei o nofoaga e maua ai auaunaga faapitoa e tali atu ai i manaoga o tagata, poo vaega e tatau ona faafaigaluegaina ai aseta i nofoaga fou, o faaiuga nei o loo faia e DHB taitasi. E ui i faiga lelei i vaega uma o le faiga faavae, ae o faiga nei e lē o mafai ona iloa lelei ma faalauaitetele atu i le va o nofoaga ma afioaga.

O le faia o se faiga faavae e tasi mo le atunuu atoa o le a mafai ai ona faaleleia faiga tutusa, faasoa ai faiga aupito sili ona lelei, ma fuafuaga mamao mo nofoaga fou ma maua ai auaunaga

i nofoaga o loo pito sili ona moomia ai, ina ia mafai ona maua e tagata uma le tausiga o latou moomia, i le taimi e moomia ai. O le a mafai ai foi ona tatou saunia faataitaiga talafeagai tau tausiga e sili atu ona lelei, ma faaaogā lelei ai le tomai ma metotia o loo tatou maua; e aofia ai le faaaogā o faiga faainitaneti e faaleleia ai auaunaga tau tausiga e maua e tagata.

O le a faapei foliga o lea faiga faavae fou i le lumanai?

E tumau pea le avea o falemai tau lotoifale ma auaunaga faapitoa ma vaega autu o tausiga e faia i totonu o afoaga, pau lava le suiga o le a sili atu ona tutusa le tausiga e maua i le atunuu atoa, ma o le a sili atu ona lelei fesootaiga ma isi auaunaga.

Poo fea lava o Aukilani poo Whanganui, o le a mafai e tagata ona faalagolago i le lelei o auaunaga faalotoifale o loo maua, ma o le a manino i tagata faamatalaga i auala e mafai ona maua ai tausiga faapitoa pe a moomia. O le a fesootai falemai ma auaunaga faapitoa ma e pulea i tulaga ua faia mo itumalo taitasi ina ia mausali ai o loo tutusa le faatinoga o auaunaga i le atunuu atoa ma o loo faaaogā lelei le iloa faalotoifale ma tomai faapitoa.

O lona uiga o le a mafai e tagata ona maua auaunaga tusa lava pe afai e lē o maua auaunaga i falemai i totonu o le afoaga o loo alaala ai. O le a lagolagoina le faia o fesootaiga malosi e auala lea i le faaaogā lelei o faiga faainitaneti, ina ia mafai ona maua e le atunuu atoa tomai faapitoa a i latou o loo taimua i auaunaga faapitoa.

O faaiuga i nofoaga o le a faafaigaluegaina ai atinae fou— poo auaunaga, fale poo isi atinae tetele - ma o le a atagia ai manaoga o tagata ma vaega tonu e ono tele ai suiga lelei o mea ua faafaigaluegaina. O lona uiga o le a sili atu ona lelei le tausiga mo le toatele o tagata.

E lē gata i lea, o faiga fou sili atu ona lelei, faasoasoina o faiga aupito sili ona lelei ma le tuuina atu o le tele o tausiga i auaunaga mo uluai tausiga tau soifua maloloina, o itu nei o le a faaitiitia ai le mamafa o avega o tauave e falemai. O fuafuaga mamao o le a faia o le a mafai ai ona faafaigofie atili ona iloa manaoga o fufou mai ma tali atu i le faafaigaluegaina o le atinaega o tagata faigaluega ma auaunaga.

O le ā le isi laasaga?

O faamatalaga auiliili o suiga o tapena atu i ai o le a aofia ai faatalatalanoaga ma vaega tau soifua maloloina, afoaga ma tagata o loo faaaogāina auaunaga i auala e tata ai ia tatou falemai ma vaega faapitoa ona faatautaia galuega. O le a faavaeina se faalapotopotoga Health NZ lē tumau i le faaiuga o le 2021, a o lei pasia le tulafono e faavae ai se faalapotopotoga ua aloaiaina, o loo fuafua i se vaitaimi o le ogatotonu o le 2022.

E te fia iloa atili?

Mo nisi faamatalaga e uiga i galuega ma tulaga ua ausia mo le toefuataia o galuega tau soifua maloloina, tagai i le upegatafailagi a le DPMC i le itulau o loo ta'ua ai galuega a le Transition Unit:

www.dPMC.govt.nz/our-business-units/transition-unit.